



Komisija za odlikovanja i
općinska priznanja

Broj: 01/1-02-240-2/23
Breza, 20.02.2023. godine

Na osnovu člana 19. Odluke o javnim priznanjima Općine Breza ("Službeni glasnik Općine Breza", broj: 14/14 -prečišćeni tekst) i Zaključka Općinskog vijeća ("Službeni glasnik Općine Breza", broj: 1/23), Komisija za odlikovanja i općinska priznanja na sjednici održanoj dana 16.02.2023. godine obavještava javnost o raspisivanju:

O G L A S A **o javnim priznanjima Općine Breza**

Povodom 6. aprila Dana Općine Breza u 2023. godini dodijelit će se javna priznanja utvrđena Odlukom o javnim priznanjima Općine Breza i to:

- a) Plaketa Breze i
- b) Nagrada Breze.

Javna priznanja Općine Breza dodjeljuju se preduzećima, ustanovama i drugim pravnim licima i građanima za izuzetna dostignuća i uspjeh u radu i aktivnostima kojima znatno doprinose razvoju Općine Breza ili pojedinih djelatnosti, afirmaciji njenih interesa, razvoju i unapređenju demokracije i zaštite ljudskih prava, kulturnog stvaralaštva njegovanje tradicije Bosne i Hercegovine, nauke, kulture, umjetnosti i sporta.

1. Kriteriji za dodjelu javnog priznanja su:

- najbolji rezultati postignuti u teorijskom i praktičnom radu na pojedinom području rada,
- objavljena, prikazana, izložena, izvedena ili na drugi način prezentirana postignuta ili nagrađena ostvarenja i rezultati,
- uživanje ugleda stručnjaka ili djelatnika iz određene oblasti, odnosno uspjehnog privrednog društva, ustanove, udruženja građana i drugog pravnog subjekta.

a) "Plaketa Breze"

"Plaketa Breze" dodjeljuje se preduzećima, ustanovama i drugim pravnim licima i građanima za izuzetna dostignuća i vanredne uspjehe iz oblasti razvoja i unapređenja demokracije i zaštite ljudskih prava, kulturnog stvaralaštva, njegovanja tradicije Bosne i Hercegovine, nauke, obrazovanja, umjetnosti, sporta i afirmaciji Breze.

b) "Nagrada Breze"

"Nagrada Breze" dodjeljuje se preduzećima, ustanovama i drugim pravnim licima i građanima za izuzetna dostignuća u oblastima razvoja i unapređenja demokracije, i zaštite ljudskih prava, kulturnog stvaralaštva, njegovanja tradicije Bosne i Hercegovine, nauke, obrazovanja, umjetnosti, sporta i afirmaciji Breze.

2. Rok i način predlaganja:

Prijedlozi za dodjelu javnih priznanja upućuju se u pisanoj formi Komisiji za odlikovanja i općinska priznanja od 20.02.2023. godine do 06.03.2023. godine.

Pravo predlaganja kandidata za dodjelu javnih priznanja imaju u skladu sa Odlukom o javnim priznanjima Općine Breze, građani, udruženja građana, vijećnici Općinskog vijeća, Općinski načelnik, organi mjesnih zajednica, ustanova, političke partije-stranke, vjerske zajednice, registrovana udruženja građana, privredna društva i drugi pravni subjekti.

Pojedinci i institucije, koji sami sebe predlože za jednu od nagrada, neće biti uzeti u razmatranje od strane Komisije.

Prijedlozi iz prethodnog stava treba da sadrže slijedeće:

- ime, prezime i adresu kandidata, odnosno privrednog društva, ustanove, vjerske zajednice, udruženja građana ili drugih pravnih subjekata koji se predlažu za dodjelu javnog priznanja.
- obrazloženje prijedloga.
- raspoloživu dokumentaciju kojom se potvrđuju navodi iz obrazloženja.

Vaše prijedloge možete dostaviti, najkasnije do 06.03.2023. godine do 16 sati, na adresu:

OPĆINA BREZA
Stručna služba Općinskog vijeća i Općinskog načelnika,
sa naznakom: Za Komisiju za odlikovanja i općinska priznanja
Ul. Bogumilska br. 1.
71370 B R E Z A

Prijedlozi dostavljeni po isteku roka, neće se uzimati u razmatranje.

PREDSJEDNIK
Komisije za odlikovanja i općinska priznanja
Malik Smailbegović, s.r